

中國語文學會編輯

文
教
論
叢

正中書局印行

中國語文學會編輯

文
教
論
叢

正中書局印行

究必印翻



有所權版

版初臺月元年十六國民華中

叢論教文

角陸元貳價定本基 冊一全

(費滙費運加酌埠外)

會學文語國中者輯編

潔 李 人行發

局書中正刷印行發

(號十二路陽衛市北臺灣臺)

司公書圖成集 銷經總外海

(號一一街老皆亞龍九港香)

店書風海

(地番六五目丁一町保神田神區田代千都京東本日)

清(6530)號八七六〇第字業臺版內 證記登部政內

目 錄

程發軔：古地對注	一
蘇雪林：屈原作品的否定論	一九
顧翊羣：簡論中國古今來教學養老之傳統	六五
何容：上聲變調是不是語法現象	七一
劉中蘇：漫談唐宋文章	七五
王夢鷗：劉勰提出的文心二字試解	九七
李辰冬：杜詩繫年	一七
陳紀澄：蒲留仙傳釋論	一三五
高明：反切起源論	一五三
許世瑛：論廣韻反切跟國語音讀	一七一
林尹：形聲、轉注概說	一九七

朱介凡：評李顯斌等三義士投奔自由的新聞寫作	二一三
孫邦正：周代社會與周代教育	二四三
劉真：論新聞工作在未來社會中的教育功能	二五一
趙友培：藝術品構成要素的分析	二六一
繆天華：中國古代音樂散論	二八三
董季棠：論語裏可疑的材料	三〇一
王藍：文化外交之研究	三二五
張席珍：國語點字革新及其發展	三五七
方祖榮：謝康樂傳	三八七

古地辭注

程發軔

一、古帝之辨正

二、古都之稽考

三、古地之辭注

- | | | | | |
|--------|--------|----------|-----------|-----------|
| 1. 涿鹿 | 2. 阪泉 | 3. 姜水、姬水 | 4. 釜山 | 5. 南交 |
| 6. 諸馮 | 7. 負夏 | 8. 鳴條、蒼梧 | 9. 歷山、雷澤 | 10. 三危 |
| 11. 羽山 | 12. 媯汭 | 13. 有庠 | 14. 熊湘、熊耳 | 15. 三苗、苗民 |

一、古帝之辨正

書經斷自唐虞，史記起自黃帝，易經繫辭，則上溯至伏羲神農。世言古代帝王先後者，率首伏羲，次神農黃帝。左傳昭公十七年載鄭子論官曰：「昔者黃帝氏以雲紀，……炎帝氏以火紀，……共工氏以水紀，……太皞氏以龍紀，……我高祖少皞摯之立也，鳳鳥適至，故紀於鳥」。是鄭子論官之次序，首黃帝，次爲炎帝共工，次爲太皞少皞，俱在黃帝之後矣。國語晉語四司空季子曰：……「昔少典娶于有蟻氏，生黃帝炎帝，黃帝以姬水成，炎帝以姜水成」。是黃帝炎帝，不僅同時，且爲同父共母之兄弟矣。崔述據左傳：黃帝以雲紀，炎帝以火紀，二帝各自爲國，各自爲代，非兄弟也，國語

似不可信。（見上古考信錄上）大戴禮帝繫篇：「少典產軒轅，是爲黃帝，黃帝產玄囂，玄囂產螭極，螭極產高辛，是爲帝嚳，帝嚳產放勳，是爲帝堯。」又謂：「黃帝產昌意，昌意產高陽，是爲帝顓頊。」史記五帝本紀：「黃帝者，少典之子，姓公孫，名軒轅。……軒轅之時，神農氏世衰，……炎帝欲侵凌諸侯，諸侯咸歸軒轅。軒轅乃修德振兵，……與炎帝戰於阪泉之野，三戰然後得其志。……黃帝崩，葬橋山，其孫昌意之子高陽立，是爲帝顓頊。……顓頊崩而玄囂之孫高辛立，是爲帝嚳，帝嚳高辛者，黃帝之曾孫也。……帝嚳崩而摯代立，帝摯不善崩，而弟放勳立，是爲帝堯。……堯老命舜攝行天子之政，……堯崩三年之喪畢，舜讓辟丹朱於河南之南，……而後之中國，踐天子位焉，是爲帝舜。……自昌意至舜凡七世矣。」世言五帝先後者，皆準五帝本紀。而大戴記之帝繫篇與本紀相表裏，蓋本之史記也。（崔述則謂史記本之大戴記）漢書律歷志曰：「鄭子據少昊受黃帝，黃帝受炎帝，炎帝受共工，共工受太昊，故先言黃帝，止及太昊，稽之於易，炮犧神農黃帝相繼之世可知」。又稱：「太昊帝號曰炮犧氏，炎帝號曰神農氏，黃帝號曰軒轅氏，少昊帝號曰金天氏，顓頊帝號曰高陽氏，帝嚳號曰高陽氏，帝堯號曰陶唐氏，帝舜號曰有虞氏」。（均略取原文）是太昊卽伏羲，炎帝卽神農之說，見於正史者，始於漢志矣。或謂漢志之說，原於呂氏春秋十二紀：卽春之月，其日甲乙，其帝太皞。夏之月，其日丙丁，其帝炎帝。季夏之月，其日戊己，其帝黃帝。秋之月，其日庚辛，其帝少皞。冬之月，其日壬癸，其帝顓頊。（禮記月令篇同）以五行配合五帝之說，實始於呂氏。（左傳昭公二十九年，有五行之官：指木火金水土五正之官，無五行生尅之附會）。而太皞卽伏羲，炎帝卽神農之說，始於漢志矣。

崔述補上古考信錄卷下：以炎帝非神農，太皞非庖羲，辨之甚明。其言曰：「漢書律歷志，以炎帝爲神農氏，太皞爲炮犧氏，後之學者，編纂古史，皆遵之無異詞。以余考之不然。易傳曰：『庖犧氏沒，神農氏作，神農氏沒，黃帝堯舜氏作』。是庖犧神農在黃帝之前也。春秋傳曰：『黃帝氏以雲紀，故爲雲師而雲名，炎帝氏以火紀，故爲火師而火名，共工氏以水紀，故爲水師而水名，太皞氏以龍紀，故爲龍師而龍名。』是炎帝太皞，在黃帝之後。然則庖羲氏之非太皞，神農氏之非炎帝也明矣。史記五帝本紀曰：『軒轅之時，神農氏世衰，諸侯相侵伐，暴虐百姓，而神農氏弗能征』。又曰：『炎帝欲侵凌諸侯，軒轅乃修德振兵，以與炎帝戰於阪泉之野，三戰然後得志』。夫神農氏既不能『征諸侯』矣，又安能『侵凌諸侯』。既云『世衰』矣，又何待『三戰然後得志』乎？且前文言衰弱，凡兩稱神農氏，皆不言炎帝。後文言征戰，凡兩稱炎帝，皆不言神農氏。然則與黃帝戰者自炎帝，與神農氏無涉也。其後又云『諸侯咸尊軒轅爲天子，代神農氏』，又不言炎帝。然則帝於黃帝之前者，自神農氏，與炎帝無涉也。封禪書云：『古者封泰山，禪梁父者七十二家，而夷吾所記者十有二焉。神農封泰山禪云云，炎帝封泰山禪云云』。（云云：山名在泰安縣東南一百二十里）夫十有二家中，既有神農，復有炎帝，其爲二人明甚，烏得以炎帝爲神農氏也哉！戰國策曰：『神農伐補遂，黃帝伐涿鹿，而擒蚩尤』，亦列神農於黃帝之前，而不云炎帝。晉語曰：『黃帝以姬水成，炎帝以姜水成』。亦列炎帝於黃帝後，而不云神農。春秋傳曰：『炎帝爲火師，姜姓其後也』。與國語：『炎帝姜姓之說合，皆云炎帝，不云神農。孟子書有許行者，爲神農之言，並耕同賈之說，語雖不經，然亦因神農有作耒耜，爲市廛之二事，故託之；亦云神農，不云炎帝。蓋自史記以前，未有言庖羲風姓

爲龍師，神農姜姓爲火師者；亦未有言太皞畫八卦，作網罟，炎帝製耒耜，爲市廛者。然則庖羲之非太皞，神農之非炎帝也明矣。自戰國以後，陰陽之術興，始以五行分配五帝，而呂氏春秋采之月令又述之，遂以太皞爲木爲春，炎帝爲火爲夏，少皞爲金爲秋，顓頊爲水爲冬，黃帝爲土爲中央。然亦但言其德各有所主，不謂太皞先於炎帝，炎帝先於黃帝也。」

是就崔氏所考證，則太皞非伏羲，炎帝非神農，在黃帝之前者爲伏羲神農，與易繫辭合。在黃帝之後者，爲炎帝太皞，與左傳合。而黃帝以雲紀，炎帝以火紀，黃帝長於姬水，炎帝長於姜水。已明制度不同，居地各別。且三戰於阪泉之野，尤證明各自爲國，非同父母所生之兄弟矣。故述古代帝王世次，以史記爲本，首黃帝，次顓頊，帝嚳，次唐堯，虞舜，所謂共工，太皞，少皞，殆諸侯之雄耳。至於炎帝國於姜氏城，（在今陝西岐山縣詳後），黃帝國於有熊，（在今河南新鄭縣詳後），在阪泉之戰以前，黃帝與炎帝，可能平分天下，或炎帝在黃帝以前，爲一時至尊。故封禪書有：「炎帝封泰山，禪云云，黃帝封泰山，禪亭亭。」如太史公所言：「自古帝王皆受命，然後得封禪」，則炎帝亦爲受命之主矣。阪泉戰後，諸侯咸尊黃帝爲天子，故五帝本紀，不紀炎帝。卽黃帝「披山通道，東至海，西至空桐，南至江，北逐葷粥」。中原之地，不復有炎帝割據區域。左傳哀公九年載：「炎帝爲火師，姜姓其後也。」意者阪泉戰後，炎帝不復爲帝爲王，而爲黃帝之火師歟？或者炎黃二帝，言歸于好，耀德不觀兵，黃帝封其子孫爲火師歟？封禪書謂秦靈公：「作上時，祭黃帝，作下時，祭炎帝」，是黃炎二帝，受國人尊敬，姬姜二姓之在國中繁衍，此乃不可磨滅之事實，不待以文字傳也。

余疑伏羲氏乃漁獵畜牧時代之代表人物，漁獵必用網罟，故以網罟之事託之，網罟必先結繩，所謂結繩記事，殆始於此時矣。（許氏說文序以神農氏結繩爲治，疑稍後）。神農乃由畜牧時代，進入農業時代之代表人物，耕稼必用耒耜，故有耒耜之利以教天下，百穀有餘有不足，故日中易貨，各得其所，亦自然之趨勢。易繫辭又謂：「庖羲氏沒，神農氏作，……神農氏歿，黃帝堯舜氏作」，是說明由漁獵畜牧生活，進入農業生活，由農業生活，進入文物漸備之生活。生歿有先後，年世無可紀，所謂唐虞以前之帝王，在位若干年，相傳若干世，殆出於臆說，不足信也。

二、古都之稽考

古史荒遠難稽，古地尤難考證。如史記五帝紀：「舜耕於歷山」，鄭玄以歷山在河東，（見史記集解）即今山西永濟縣東南之雷首山，郭緣生以歷山在濟陰郡之雷澤，（見水經注瓠子河），在今山東濮縣東南，舜「漁於雷澤」，水經注以雷澤在成陽縣故城西北，（今濮縣東南）方輿紀要以雷澤，即雷首山之虞澤，（在今山西永濟縣南）。書經堯典：「釐降二女于媯汭」，山西省志則以媯汭冀州，俱在河東。雍勝錄則以媯墟冀州，俱在漢中。（後漢書州郡志，亦以媯墟在漢中成固縣西北。）魏土地記則以歷山、媯川，俱在上谷。其他名勝古蹟，各地省志縣志，穿鑿附會者，不一而足，此考證古地之難於抉擇也。

古代帝王之都邑，經籍可考者無幾，左傳昭公十七年，梓慎曰：「陳，太皞之虛也，鄭，祝融之虛也，（杜注：「祝融高辛氏之火正，左昭二十九年，顓頊有子曰犁，爲祝融」，是祝融以顓頊之

子，爲火正之官。衛，顓頊之虛也，故爲帝丘。」（今河北濮陽縣，昆吾亦居此。）又定公四年，祝鮀曰：「因商奄之民，命以伯禽，而封於少皞之虛。（今曲阜）又昭公二十年，齊晏子侍景公於濼臺，晏子對曰：「昔爽鳩氏始居此地，季荝因之，有逢伯陵因之，蒲姑氏因之，而後太公因之。」昭公元年，子產曰：「昔高辛氏（杜注帝嚳）有二子，伯曰闕伯，季曰實沈，居于曠林，不相能也，日尋干戈，以相征討。后帝不臧，遷闕伯于商丘，主辰，商人是因。……遷實沈于大夏，主參，唐人是因。」又襄公九年，士弱對晉侯曰：「陶唐氏之火正，闕伯居商丘，祀大火而火紀時焉，相土因之，故商主大火」。是太皞之虛在陳，顓頊之虛在衛，少昊之虛在魯，顓頊之子祝融之虛在鄭，少昊時爽鳩氏之虛在齊，陶唐氏火正闕伯居商丘，實沈居大夏，可考者此耳。其後漢書律曆志，以太皞伏羲爲一人，少皞帝摯爲一人，故潛夫論遂謂伏羲太皞都陳，少皞帝摯都曲阜，（見五德志）及皇甫謐之帝王世紀出世，則雜採衆說，以補其不備。其言曰：「宓戲爲天子都陳，在禹貢豫州之域，西望外方，東及明緒。（應爲明諸卽孟諸在今河南商邱縣東北）於周陳胡公之所封。故春秋傳曰：『陳，太皞之墟也』。於漢屬淮陽，今陳國是也。神農氏亦都陳，又營曲阜，故春秋稱魯大庭氏之庫。黃帝都涿鹿，於周官幽州之域，在漢爲上谷，而世本云：『涿鹿在彭城南』。然則上谷本名彭城，今上谷有涿鹿縣，及蚩尤城，阪泉地。又有黃帝祠，皆黃帝戰蚩尤之處也。或曰黃帝都熊，今河南新鄭縣也。少昊氏自窮桑（山東曲阜縣北）登位，故春秋傳曰：『世不失職，遂濟窮桑』。登帝位在魯北，後徙曲阜，於周爲魯，在禹貢徐州蒙羽之野，奎婁之分，降婁之次，周以封伯禽，故春秋傳曰：『命伯禽而封少皞之墟』。是以書敘稱魯公伯禽，宅曲阜是也。顓頊氏自窮桑徙帝丘，於周爲衛，在禹貢冀州

太行之東北，踰常山及兗州桑土之野，營室東壁之分，豕韋之次。故春秋傳曰：「衛，顓頊之墟也，謂之帝丘」。今東郡濮陽縣也。帝嚳氏都亳，今河南偃師縣也。禹貢外方之域，嵩山之北，或言在梁，非也。帝堯氏始封於唐，今中山唐縣是也，堯山在焉。唐水在西北，入唐河南，有望都縣，都山卽堯母慶都之所居也。相去五十里，都山一名亘山，北登堯山，南望都山，故名其縣曰望都。而地理志，堯山在唐南山中，張晏以堯山實在唐北。地理志堯之後徙涿鹿，世本云在彭城南，今上谷郡北，自有彭城，非宋彭城也。後又徙晉陽，今太原縣也，於周禮在并州之域，及爲天子，都平陽，於詩風爲唐國。武王子叔虞封焉，更名唐。故吳季扎聞唐之歌曰：「思深哉！其有陶唐氏之遺民乎！」帝舜其所營都，或言蒲阪，卽河東縣。」（見太平御覽一百五十五引）此後言古代帝王都邑者，如各史書之地理志，及通志中之都邑略，率本之帝王世紀。至皇甫謐所考證之依據，則不可得而聞矣。

王國維氏殷周制度論謂：「都邑者：政治與文化之標徵也。自古以來，帝王之都，皆在東方：太皞之虛在陳，大庭氏之庫在魯，黃帝邑於涿鹿之阿，少皞與顓頊之虛，皆在魯衛，帝嚳居亳。惟史言堯舜平陽，舜都蒲阪，禹都安邑，俱僻在西北，與古帝宅京之處不同。然堯號陶唐氏，而冢在定陶之成陽，舜號有虞氏，而子孫封於梁國之虞縣。孟子稱舜生卒之地皆在東夷，蓋洪水之災，兗州當其下游，一時或有遷都之事，非定居於西土也。禹時都邑，雖無可考，然夏自太康以後，以迄后桀，其都邑及他地名之見於經典者，率在東土，與商人錯處河濟間，蓋數百歲。商有天下，不常厥邑，而前後五遷，不出邦畿千里之內。故自五帝以來，政治文物所自出之都邑，皆在東方。惟周獨崛起西土，武王克紂之後，立武庚，置三監而去，未能撫有東土也。……作雒邑爲東都，以臨東諸侯，而天子仍

居豐鎬者凡十一世。自五帝以來，都邑之自東方而移於西方，蓋自周始。故以族類言之：則虞夏皆顓頊後，殷周皆帝嚳後，宜殷周爲親。以地理言之：則虞夏商皆居東土，周獨起於西方。……故夏殷間政治與文物之變革，不似殷周間劇烈大變矣。」（見觀堂集林卷十）是王氏以古代帝王定都，在東方爲常例。堯舜避洪水之災，乃遷居西北爲特例。至周代起自西方，故制度文物，與夏商大變。今案左傳僖公二十一年，宋司馬子魚曰：「任宿須句顓臾風姓也，實司太皞。是太皞之後，多在東方矣。又案焦向鄆紀淳于姜姓也，出自炎帝，是炎帝之後，又多在東方矣。又國語晉語曰：「黃帝有子二十五人，其得姓者十四人，除姬姓之國旺盛於西周外，內有薛莒雍燕（南燕）諸國，皆黃帝子孫之在東方者。至少昊之後有郟國，顓頊之後有邾國，唐堯之後有鑄國，虞舜之後有鄒國，（見水經注河水篇鄒今山東鄒平縣）由於古代帝王之子孫，多立國於東方，益證明古都多在東方，古代文物，又濫觸於東方矣。」

三、古地之斟注

史記五帝本紀：「黃帝披山通道，未嘗寧居，東至海，登丸山，及岱宗。西至於空桐，登鷄頭。南至于江，登熊湘。北逐葷粥，合符釜山，而邑于涿鹿之阿」。古代疆域之明白記載，此爲最早之一頁。茲將五帝時代之古地有可疑者，分別斟注如左：

1 涿鹿 史記五帝紀：「黃帝與蚩尤戰於涿鹿之野，遂擒殺蚩尤。」戰國策：「黃帝伐涿鹿而擒蚩尤，」案涿鹿一作濁鹿，漢時置縣，服虔謂：「涿鹿山名在涿郡。」即今河北省涿縣。張晏曰：「

涿鹿在上谷，「卽今察哈爾省之涿鹿縣。水經注灤水篇：「涿水出涿鹿山，世謂之張公泉，東北流逕涿鹿縣故城南，王莽所謂捲陸也。黃帝與蚩尤戰於涿鹿之野，留其民於涿鹿之阿，卽於是也。」是服氏張氏及水經注三說，以涿鹿俱在北方。惟太平御覽州郡部轉引世本：「涿鹿在彭城南。」世本成於戰國以前，當年未置有上谷郡及涿鹿縣，則所謂彭城；卽堯時所封之彭祖（見世本）。夏商時，諸侯中之大彭，一稱彭伯，（竹書紀年夏啓十五年有彭伯壽）在今江蘇銅山縣西，則涿鹿又在東方矣。又史記封禪書，齊有八神：「三曰兵主，祠蚩尤。蚩尤冢，在東平陸監鄉，齊之西境也。」是蚩尤爲齊神，居地在齊境，似爲齊人矣。太平御覽引尸子云：「造治者蚩尤也，謂作兵。」（見癸巳存稿卷二）是祠尤爲兵主，以能造治作兵也。史記高祖紀：「衆立劉季爲沛公，祠黃帝，祭蚩尤於沛庭。」是不僅齊人祠蚩尤，卽泗上之民亦祭祀之。水經注濟水篇：「東平陸有闕亭。皇覽曰：『蚩尤冢在東郡壽張縣闕鄉城中，冢高七尺，常十月祠之。』監鄉闕亭，卽今山東汶上縣之闕亭也。（山東通志卷九。此亭舊在壽張縣內，今沒在汶上縣西南南旺湖中。）黃帝生於姬水，地在今河南，（詳後）蚩尤既爲齊神，地在今山東，則兩人交戰之地，應在濟泗之上，不應遠至上谷。且擒殺之地，與冢墓所在之地，應相去不遠，今蚩尤冢既在東平陸，則五帝紀之涿鹿，應在濟泗，不應在上谷，此所以對蚩尤時之涿鹿，不從服虔張晏之說，而以世本爲定，扶在彭城南。考彭城於春秋時爲宋地，（見成公十八年）韓非子外儲說左上：「宋襄公與楚人戰於涿谷上，（春秋作泓）涿谷卽涿鹿，以谷亦音鹿，如史記匈奴傳：「左右谷蠡王，」服虔曰：「谷音鹿」是矣。是宋有涿鹿之地，春秋戰國時，猶名於世。又案水經注灤水篇：「灤水於彭城西南，廻而北流，逕彭城，……城卽殷大夫老彭之國也，於春秋爲宋

地。……漢祖定天下，封弟交爲楚王都之。……地理志曰：『彭城縣，古彭祖國也。』世本曰：『陸終之子，其三日籛，是爲彭祖，彭祖城是也。』（楊守敬先生水經注疏：「彭祖是三代以上人，老彭是殷時人，漢書人名表：列彭祖第二，老彭第三，明爲二人。」）是彭城爲在三代以上之古城矣。考大清一統卷六十九，及徐州府志卷十一內載：今銅山縣西三十里有大彭山，志謂：「古大彭氏始封此。山之左右，猶稱大彭村。」又載：縣城西少北二十五里有赭土山，以出五色土著。山下有楚元王墓，亦稱楚王山，卽水經注所謂同孝山也。余疑赭土與涿鹿，聲音相近。此山原名涿鹿，因禹貢徐州「厥貢惟土五色」，由聲諧義，遂被以赭土之名而忘涿鹿之元音矣。就方位言：大彭山在銅山城西三十里，赭土山卽涿鹿山在銅山城西北二十五里，則赭土正在大彭之南，與世本「涿鹿在彭城南」地望正合。

且禹貢四極：極北至於恒山（在今河北省曲陽縣之西北），爾雅四極：極北至於祝栗。（王紹蘭說文段註補謂：祝栗卽涿鹿）如依左傳所載，則晉荀吳於昭公元年，始以步卒敗羣狄於太原。蓋我國北方，素有强悍之戎狄民族，黃帝時之上谷當爲葷粥民族棲息之所。故史記祇言黃帝北逐葷粥，而不言北至某地。則史謂：「戰於涿鹿之野」「邑於涿鹿之阿」均應在彭城南，卽今日江蘇之銅山，決不能北至上谷也。

至涿鹿之名，王莽改稱爲抆陸，（攄陸）水經注疏對涿抆二字，詮釋最當。其言曰：「趙一清云漢志攄作抆，音如抆徧九州之抆，戴震改作佈。守敬案王紹蘭說文段注訂補曰：『攄抆皆誤字，其字當作甝。楚語曰：『日月會於龍甝，』東京賦龍甝注音「鬪」，賈逵曰：『甝龍尾也』合以說文：『涿

流下滴也。从水豕聲。」明龍甕爲龍尾流下滴也，涿音如篤，甕音如鬪，聲之遞轉，故王莽以甕聲近涿，陸聲近鹿，改涿鹿爲甕陸，其實甕陸卽涿鹿也。拊髀皆形近致誤。錢大昕亦謂東京賦之甕當爲涿字。「是涿鹿卽甕陸，甕爲龍尾流水下滴之義，言涿水發源之始，水量不盈，形如龍尾，水流下滴，故說文云：「涿流下滴也。」涿又作乙，从日从乙，从日者：孟冬日在尾也。从乙者：象龍尾流下滴也。涿又通獨，其涿音如篤，篤鹿爲疊韻，言下滴之聲篤鹿然，故名涿（篤）鹿。正如河南密縣之滴瀝泉，石澗水出，滴瀝如雨，晝夜不息，故世以滴瀝稱之。（見水經注疏洧水篇熊會貞先生所引開封府志）是涿者：繪水之形；涿鹿者：繪水之聲。王莽時距涿鹿設縣之年不久，故改稱爲甕陸也。呂刑云：「禹平水土，主名山川。」是在夏禹以前之地名，率有聲無義，義乃後起。上谷之涿鹿，既具有深義，殆起於漢武之前後。漢書武帝紀，涿鹿作獨鹿。元封四年：「遂北出蕭關，歷獨鹿鳴澤。」獨鹿者，匈奴官名也，晉書匈奴傳：「單于統領諸種，其國號有左賢王，右賢王，……左獨鹿王，右獨鹿王。……凡十六等。」蓋上谷郡之涿鹿山，疑漢初爲匈奴國左獨鹿王居地。卽史記匈奴傳所謂：「諸左方王將，居東方，直上谷」是也。後由獨鹿之音，引申爲涿鹿之義，更由涿鹿之義，附會於黃帝與蚩尤戰於涿鹿之地。自北魏入主北朝，自稱爲黃帝之子昌意之後，於是黃帝堯舜發祥之地，無一不在上谷。（詳後）學者習焉不察，遂以僞亂真，積非成是矣。

2 阪泉 左傳僖公二十五年，晉文公欲納襄王，使卜偃卜之曰：「吉，遇黃帝戰於阪泉之兆。」是爲阪泉見於經傳之始。大戴記五帝德：「黃帝與赤帝戰於阪泉之野。」孔廣森補注云：「赤帝神農之後，……史記作炎帝。」史記五帝本紀云：「黃帝與炎帝戰於阪泉之野，三戰然後得其志。」是黃

帝與炎帝戰於阪泉，經史無異說矣。至阪泉究在何處？其說有三：其一太原郡有阪泉。左傳僖公二十五年之阪泉，杜無注。春秋傳說彙纂亦無考。唯方輿紀要稱：「陽曲之東北八十里，有阪泉山，相傳舊名漢山，晉文公卜勤王，遇黃帝戰於阪泉之兆，因改今名。」所謂舊名漢山，蓋卽汗山，匈奴人呼爲玉山。是太原郡有阪泉矣。其二河南郡有阪泉。書經立政篇：「三亳阪尹，」孔疏引鄭玄云：「湯舊都之民，服文王者，分爲三邑，其長居險，故言阪尹。蓋東成臯，南轅轅，西降谷，（函谷）也。」是阪尹在三險之中，卽今洛陽之地。水經注河水篇：「洛水於鞏縣東逕洛汭，北對琅邪渚，入於河，謂之洛口矣。自縣西來，而北流注河，清濁異流，激焉殊別。應瑒靈河賦曰：『資靈川之遐源，出崑崙之神丘，涉津洛之阪泉，播九道於中州者也。』」是洛水之口，向有阪泉之稱矣。（原訛作峻泉，戴震依據初學記改作阪泉，是矣。蓋洛水之口，東臨大坂，水經注所謂：「河水自洛口，又東逕旋門坂北，今成臯西大坂者是也。」）考鞏縣東北有盤谷塢，又名盤谷水，正臨洛口，盤阪音相近，蓋卽阪泉遞轉之音矣。（盤谷塢見水經注洛水篇）其三上谷郡有阪泉：水經注灤水篇：「涿水又東北，與阪泉合，水導源縣（指涿鹿縣）之東泉。魏土地記曰：『下洛城（在今涿鹿縣西，）東南六十里，有涿鹿城，城東一里有阪泉，泉上有黃帝祠』」。水經注疏載：「守敬按晉太康地理志云：『涿鹿城東一里有阪泉，上有黃帝祠，』引見史記五帝本紀正義，爲魏土地記所本。括地志：『阪泉，今名黃帝泉，在嬀州懷戎縣東五十六里，出五里至涿鹿，東北與涿水合。』御覽一百九十三，引郡國志謂：『黃帝泉枯而不流』蓋偶枯耳。今保安州礮山堡西南十里有七旗里泉，卽阪泉也。」是上谷郡之阪泉，水經注言之鑿鑿。今案黃帝長於姬水，（見後）國於有熊，居軒轅之丘，地在今之河南。炎帝